

Ilinnialernissamut piumasaqaatit

Ilinniartitsisunngorniarluni ilinnialernissamut qinnuteqarsinnaavutit, ilinnialernissamut piunasaqaatit minnerpaamik ataaseq ataani taaneqartoq naammassisimagukku:

- Ilinniarnertuunngorniarnertup naammassisimanissaa minnerpaamik agguaqatigiissillugu 5,5 GGS naapertorlugu
- Ilinniarnertuunngorniarnertup naammassisimanissaa minnerpaaffissap agguaqatigiissillugu 5,5 ataappagu, ilalerlugu:
 - *Ilinniakkamut attuumassutilimmik minnerpaamik qaammatini sisamani inuutissarsiummik misilittagaqarneq imaluunniit minnerpaamik qaammatinik arfineq-pingasuni inuutissarsiummik nalinginnaasumik misilittagaqarneq imaluunniit*
 - *Højskolimiissimaneq immaluunniit minnerpaamik sapaatip akunnerini 16-imi allatut ilinniagaqarsimaneq aamma pikkorissarsimaneq imaluunniit*
 - *Minnerpaamik qaammatini sisamani nunani allaniissimaneq*
- Ilinniakkamut tunngasumik ilinniarnertuunngorniarnertullu qaffasitsigisumik allamik ilinniagaqarsimaneq
- Ilinniakkamut nammineq qinikkamut atuuppoq, ilinniarnertuunngorniarnertup naammassisimanissaa minnerpaamik fagi nammineq qinikkamik naammassinissimaneq karakteereqarluni imatut:
 - *Kalaallit aamma danskit oqaasiini A-qaffasissutsimi minnerpaamik C/7*
 - *Matematikki aamma tuluit oqaasiini B-qaffasissutsimi minnerpaamik D/4 & Ilinniakkani nammineq qinikkani allani C-qaffasissutsimi minnerpaamik D/4*
 - *Tunngavilersuilluni qinnuteqaat A4-mi 1-2 quppernerit*
 - *Ilinniartussanik tigooraasut ataatsimiititaliaanik oqaloqateqarneq*

Sumiiffik & aallartiffik

Ilinniarneq ingerlanneqassaaq Ilisimatusarfimmi.

Ilinniarneq aallartissaaq: 01 septembari

Qinnuteqarnissamut killissarititaasoq: 01 marsi



Paasissutissat

Ilinniartitaaneq pillugu annerusumik paasisaqarsinnaavutit uani:

- Nittartagaq: www.uni.gl | e-mail: mail@uni.gl
- Oqarasuaat: (+299) 38 56 00

Ilinniartitsisoq



Ilinniakkap ilisaritinnera

Pædagogikkimik ilinniartitsinermillu soqutigisaqarpit, kalaallillu meerartaasa inuusuttortaasalu pitsaasumik tunngaveqarlutik ilinniaqqinnissaannut aqutissiueqataarusuppit?

Ilinniartitsisunngorniarnermi meeqqat atuarfiini ilinniartitsisutut imaluunniit pædagogikkimik sullivinni suliaqarnissamut ilinniartinneqassaatit.

Ilinniartitsisunngorniarneq bachelorit ilinniarnervoq – suliffimmi sungiusarnej teoriimillu ilinniarneq paarlakaallugit ingerlanneqartoq. Ilinniarnermi pædagogikkimik teoriit ilinniassavatit, suliffimmi sungiusaatigalugu sulinermi misilittaatigalugillu sungiusaatigalugit.

Taamaalillutit ilinniartitsisutut sulinissamut teoriimik tunngaviusumik ilisimasassanik sulinermilu misilittakkanik ilinniarnermi pissarsissaatit.



Jeg hedder Nujartina,
og jeg studerer til lærer på 1. år

YouTube atuaruk ..

Ilinniakkap aaqqissugaanera

Ilinniartitsisunngorniarni ilinniarneq ilinniartitsinermi fagit aamma fagit sammivii, sungiusaatigalugu sulineq, allattarissamik suliaqarnej aamma soraarummeerneq paarlakaallugit ingerlanneqartoq.

Ukiut tamaasa sungiusaatigalugu suliffimmi sulisoqartoq. Ukiup aappassani sulineq taaneqartoq sinerissami sulineq ilinniartullu kissaateqarnerat naapertorlugu Kalaallit Nunaanni sumiiffinni assigiinngitsuni ingerlanneqartoq piumasaqaataavorli sumiiffimmi pineqartumi ilinniarsimasumik siunnersorteqarnissaq.

Sungiusaatigalugu sulineq Danmarkimi imaluunniit Savalimmiuni ingerlatissallugu periarfissaqarpoq.

Suliffissatut periarfissat

Kalaallit Nunaanni meeqqat atuarfiini ilinniartitsisut maannakkut ukiunilu tulliuuttuni annertuumik atorfissaqartinneqarput, taamaattumik ilinniaqareeruit amerlasuunik soqutiginaritunik suliffitaarnissamut periarfissaqarputit.

Ilinniartitsisutut periarfissaqarputit:

- Kalaallit Nunaanni meeqqat atuarfiini imaluunniit pædagogikkimik sullivinni allani ilinniartitsisutut sulilernissamut
- Masteritut- aamma kandidatitut ingerlaqqillutit ilinniaqqinnissamut

